

इवनिंग डोगरी न्यूज़ बुलेटिन  
समे 18:15 Hrs

Headlines

- मुखमंत्री उमर अब्दुल्ला होंरें अज्ज श्रीनगर च जम्मू-कश्मीर दे पैहले **गुलदउदी बाग** दा उदघाटन कीता जेहदे च इस फुल्लै दियें 50 कोला मतियें किस्में दे इक लकख कोला मते बूहटे न।
- जंगलात मंत्री जावेद अहमद राणा होंरें बांडीपोरा फारेस्ट गार्डें दी पासिंग आउट परेड दी सदरत कीती, जंगलात ते पर्यावरण दे संरक्षण पर जोर दिता।
- संयुक्त राष्ट्र दिवस दे मौके पर भारत नै पाकिस्तान गी साफ लफजें च आखी दिता ऐ जे ओ जम्मू-कश्मीर दे अपने नजैज कब्जे आहले इलाके च मनुकखी अधिकारें दी खलाफवर्जी बंद करै।
- मुख सचिव अटल डुल्लु होंरें कश्मीर मैराथन दे दूए गेड़ गितै तयारियें दी समीक्षा कीता, सैलसफा विभाग इसी इक यादगार आयोजन बनाने गितै तयार।
- पस्सियां पौने दे बाद डोडा दा मुंधार ग्रां असुरक्षित घोषत, लोकें गी उत्थुआं कड्डियें सुरक्षत थाहरै पुजाने दी प्रक्रिया जारी।



**CM Gul-e- Dawood**

मुखमंत्री उमर अब्दुल्ला होंरें अज्ज **गुलदउदी** फुल्लें दे जम्मू-कश्मीर दे पैहले-पैहले बाग दा उदघाटन कीता जिसे **बाग-ए-गुले दाऊद** नां दिता गया ऐ। श्रीनगर नैहरु मैमोरियल बोटैनिकल गार्डन च कोई 5 हैक्टर रकबे च विकसित कीते गेदे इस बाग च इक लकख कोला मते बूहटे लाए गेदे न, जिंदे च गुलदउदी फुल्लें दियां 50 कोला मतियां किस्मा दिक्खियां जाई सकदियां न। इस मौके मुखमंत्री होंरें आखेया जे इस रुतै दौरान इस बाग दे खुल्लने कन्ने इत्थै इनें फुल्लें दा नजारा दूरा-दूरा औने आहले सैलानियें लेई आकर्षण दा इक बाददू केन्द्र साबत होग। उनें आखेया जे एह बाग सैलानियें दे इलावा कुदरत दे कद्रदानें, चित्रकारी करने या फोटू खिचने दे शौकीन, नौजवानें

ते होरनें लोकें गी बी अपनी खूबसूरती कन्ने मतासर करोग। मीडिया आहले कन्ने इस मौके गल्ल करदे होई  
मुखमंत्री होरे आखेया



### **Rana Forest Parade**

जंगलात मंत्री जावेद अहमद राणा होरे जंगलात सिखलाई स्कूल बांडीपोरा च फारेस्ट गार्ड दे 71में ते 73में बैच दी पासिंग आउट परेड दी अध्यक्षता कीती। इनें दंडू बैचे च कुल 152 फारेस्ट गार्ड शामिल हे जिनें अपनी सिखलाई मकम्मल कीती ऐ। मंत्री होरे इस मौके अपने सम्बोधने च सब्भनें शा अग्गे होइयै कम्म करने आहले जंगलात अमले दी सराहना कीती, जेहडे पूरी निष्ठा कन्ने चपासम दा तवाजन बरकरार रखने लेई जंगलात दी राखी-हिफाजत करदे न। जावेद राणा होरे आखेया जे जंगलात दी जिमी पर कब्जे ते जंगले च अग्ग लग्गने आहली घटनाएं गी लेइयै ओह मते सौहगे सतर्क रेहियै कम्म करन। उनें आखेया जे मुखमंत्री उमर अब्दुल्ला हुंदी अगुआई जम्मू-कश्मीर प्रशासन जनजाती समाज ते जंगलात पर निर्भर समुदाये दी सामे ते पूरे पराते विकास लेई दृढ़ संकल्प ऐ।



### **India –Pak**

संयुक्त राष्ट्र च भारत दे स्थाई प्रतिनिधि पर्वतानेनी हरीष होरे पाकिस्तान गी आखेया ऐ जे ओ जम्मू-कश्मीर दे अपने नजेज कब्जे आहले इलाके च मनुक्खी अधिकारें दी गंभीर लोआंगना बंद करै। 80में संयुक्त राष्ट्र दिवस दे मौके पर लोआई गेदी इक खुल्ली बैहस दे दौरान सुरक्षा परिषद गी सम्बोधित करदे होई उनें आखेया जे जम्मू-कश्मीर सदा थमां गै भारत दा अनत्रुट हिस्सा रेहा ऐ ते सदा बने दा रौहग। उनें गलाया जे जम्मू-कश्मीर दे लोकें समे दी कसोटी पर खरी साबत होई दिये देसै दिये लोकतांत्रिक परम्पराएं ते संवैधानिक बवस्था दे मताबक अपने बुनियादी अधिकारें दा इस्तमाल कीता ऐ, पर पाकिस्तान ते ओहदे कब्जे आहले जम्मू-कश्मीर च लोकतंत्र ते मनुक्खी अधिकारें जनेई कोई चीज दिक्खने गी नैई लब्धी। हरीष होरे अग्गे आखेया कि भारत, **वसुधैव कुटुम्बकम**

आहली सोच ते नजरिए पर चलदे होई पुरी दुनिया गी इक परिवार मन्नदा ऐ ते इस्से सिद्धांत पर कायम ऐ जेहदे च हर कुसै लेई बरोबरी, न्यां, गरिमा ते समृद्धि दी पक्की बवस्था होऐ।

<><><><><><>

### **GST (Byte)**

जी.एस.टी दिएं दरें च हाल च कीते गेदे सुधारें कन्नै मुख्य भरै दे परोआरें गी सिद्धी राहत हासल होआ करदी ऐ। आम इस्तेमाल आहली चीजें जिंआं दुध, पनीर, बिस्कुट, मक्खन, घयो ते इलैक्ट्रानिक्स चीजें पर जी.एस.टी घटने कन्नै हुन परोआरें दे बजट उप्पर घट्ट बोझ पवारदा ऐ ते लोकें दी खर्च करने दी ताकत बधा करदी ऐ। उधमपुर जिले दे बसनीकें इलैक्ट्रानिक्स ते होरनें जरूरी चीजें उप्पर जीएसटी दिएं दरें च कटौती लेई केन्द्र सरकार दा धन्नवाद करदे होई आखेआ ऐ जे ऐसी पैहलकदमियां मझाटले तबके दे परोआरें लेई बड़ी फायदेमंद न। इस सरबंधे च आकाशवाणी समाचार कन्नै गल्ल करदे होई उधमपुर दे इक बसनीक नै आखेआ

<><><><><><>

### **PM MKB**

प्रधानमंत्री नरेंद्र मोदी होर कल 26 अक्टूबर गी अपने रेडियो कार्यक्रम “मन की बात” दे राएं देश-बदेश च रौहने आहले श्रोताएं कन्नै अपने बचार सांझे करडन। हर म्हीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 127मीं किशत होग। एह कार्यक्रम आकाशवाणी समाचार दी वैबसाईट newsonair mobile ऐप्प पर बी प्रसारित कीता जाग। एहदे कन्नो-कन्नी एह प्रोग्राम आकाशवाणी समाचार, DD News, प्रधानमंत्री हुं दे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी जम्मू पर मन की बात दे तुरत मगरा एहदा डोगरी भाषा च अनुवाद प्रसारत कीता जाहग। डोगरी अनुवाद स्हाड़े श्रोता कल राती 8 बजे इक बारी परतियै सुनी सकदे न। आकाशवाणी दे क्षेत्रीय समाचार एकांश कल्लै दे मन की बात कार्यक्रम पर इक विशेष परिचर्चा रातीं साइड 10 बजे प्रसारत करोग जिसी तुस स्हाड़े इस्से चैनल मिडीयम वेव 303 मीटर यानि 990 किलोहार्टस ते एफ.एम. 100.3 मैगाहार्टस पर सुनी सकदे हो।

<><><><><><>

## CS Kashmir Marathon

मुख्य सचिव अटल डुल्लु होरें श्रीनगर च 2 नवम्बर 2025 गी होने आहली दुई कश्मीर मैराथन दी तयारियें दा जायजा लैने लेई अज्ज इक उच्ची सतह दी बैठक दी अगुआई कीती। बैठक च चर्चा दौरान उनें प्रतिभागियें लेई बवस्थित ट्रांसपोर्ट, रिहायश, मैडिकल सेवां, सुरक्षा, साफ-सफाई ते ट्रैफिक प्रबंधन गी यकीनी बनाने लेई बक्ख-बक्ख मैहकमे बश्कार सुचारु तालमेल दे महत्व पर जोर पाया। मैराथन च पूरी (42 किलोमीटर) ते अर्धी (21 किलोमीटर) द्रौड़ शामिल होग, जेदे च श्रीनगर दी डल झील ते मुगल गार्डन जनेही शैल सनाखड़ी थ्हरां एहदे रुट च शामिल न। राष्ट्री ते अंतराष्ट्री खडारियें दी शमूलियत लेई आकर्षक नगद इनाम ते सांस्कृतिक प्रदर्शनें कन्ने इस आयोजन दा मकसद खिते च सैलसफा, खेड्डें ते मुकामी दस्तकारी गी बढ़ावा देना ऐ।



## Doda Unsafe Zone (Byte)

डोडा जिला प्रशासन नै काश्तीगढ़ तहसील दे मुंधार ग्रां गी पस्सियां पौने करी घरें, सार्वजनिक बुनियादी ढांचे ते खेतरें गी नुकसान पुज्जने ते डोडा-रामबन सिडक दा इक हिस्सा टठने करी असुरक्षित घोषित करी दिता ऐ। डिप्टी कमीशनर हरविंदर सिंह होरें आखेया ऐ जे जमीनी सतह पर आई दियें दरेडें दे चलदे इलाके च हालात बडे मते अस्थिर बने दे न, जेहदे कारण होर पस्सियां पौने दी शंका बनी दी ऐ। रेड ज़ोन आहले इलाके च रौहने आहले बसनीकें गी सुरक्षित थ्हरें पर पुजाई दिता गया ऐ। जिसलै के ऑरेंज ते येलो ज़ोन दे बसनीकें पर नेडमी तक्क रखी जा रदी ऐ। खाने-पीने ते आसरमें दे कन्ने आरजी राहत केन्द्र बनाए गेदे न ते आम लोकें गी सलाह दिती जंदी ऐ जे ओह सरकारी निर्देशों दी पालमा करन। आकाशवाणी समाचार कन्ने गल्ल करदे होई डोडा दे डी.सी. हरविंदर सिंह होरें गलाया



## Prog. Announcement

आकाशवाणी जम्मू दे प्रादेशिक समाचार एकांश आसेआ औंदे विलय दिवस दे सबरंधे च 25एं मिनटें दे इक्क विशेष कार्यक्रम दा प्रसारण कीता जा'रदा ऐ। जम्मू-कश्मीर दे भारत कन्ने विलय दे 78 ब'रे पूरे होने दे सरबंधे च

ओंदे ऐतवारें 26 अक्टूबर गी दपैही 12 बजे एह कार्यक्रम प्रसारित कीता जाग। इस विशेष कार्यक्रम च स्हाड़े प्ररौहने होडन जम्मू यूनिवर्सिटी दे स्ट्रैटजिक ते रिजनल स्टडीज़ विभाग दे असिस्टेंट प्रोफेसर डॉ. गणेश मल्होत्रा, जेहड़े इस विशे पर अपने माहिराना विचार सांझे करडन। इस कार्यक्रम दी मेजबानी स्हाड़े न्यूज एंकर जगमोहन शर्मा हुं दे आसेआ कीती जाहग।



### **Reasi Awas Mela (Byte)**

अज्ज म्युनिसिप काउंसल रियासी नै जारी अंगीकार 2025 जागरुकता अभियान दे इक हिस्से दे तौर पर बस स्टैंड पर प्रधानमंत्री आवास मेला (शैहरी) दा आयोजन कीता। इस कार्यक्रम दा आयोजन बसनीकें गी प्रधानमंत्री आवास योजना (शैहरी) दे बारे च जानकारी देने लेई कीता गया हा। मेले च योजना दे फायदें, पात्रता मानदंडें ते **सबभनें लेई आवास** योजना दे तैहत आवास लेई आवेदन प्रक्रिया पर लौ पाई गई। म्युनिसिपल काउंसल, रियासी दे मुख् कार्यकारी अधिकारी मोहम्मद एजाज़ तांत्रे होरें मौके पर गै लोकें गी मार्गदर्शन देने ते उंदे सोआलें दा परता देने आस्तै गल्लबात कीती। आवेदन प्रक्रिया गी सखल्ला बनाने आस्तै स्टॉल, ब्रोशर ते सूचनात्मक समग्गरी दस्तयाब करोआई गई। इस अभयान च सबभनें प्रतिभागियें आस्तै टिकाऊ शैहरी जीवन, साफ-सफाई ते पर्यावरण दे मुताबक आवास प्रचलन गी बी बढ़ावा दिता गया ऐ। इस बारे होर जानकारी दिंदे होई मुख् कार्यकारी अधिकारी मोहम्मद एजाज़ तांत्रे होरें आखेया



### **Kishtwar Dhan Dhanya**

किश्तवाड़ दे डिप्टी कमीशनर पंकज कुमार शर्मा होरें प्रधानमंत्री **धन धान्य कृषि विकास** योजना तैहत तैयारियें दा जायजा लैने ते 6एं बरें दी कार्य-योजना तैयार करने आस्तै राई-बाई ते सरबंधत मैहकमे कन्नै इक बैठक लाई। उनें जलवायु मुताबक फसलें, कुशल सिंचाई, पशुधन, मच्छी पालन ते सैहकारिता समितियें ते स्वयं सहायता समूहें दे राएं मुल्ल बधाने पर जोर दिंदे होई टिकाऊ राई-बाई विकास हासल करने लेई बेहतर तालमेल ते नतीजें पर केन्द्रित जतनें दे महत्व पर जोर दिता। साढ़े संवाददाता मुजब, मैहकमें गी निर्देश दिते गे न, ओह पैहली नवम्बर

2025 तगर तफसीली योजना जमा करोआन। गौरतलब ऐ जे किश्तवाड़ गी प्रधानमंत्री धन-धान्य कृषि विकास योजना दे तैहत इक आकांक्षी कृषि जिले दे रुपै च मानता दिती गई ऐ।

<><><><><><>